

Odasmahttin,- hálddahus- ja girkodepartemeanta
Gulaskuddan- oddajagimánnu 2011

Láhkaásahus 2008-12-19 nr 1480: Láhkaásahus sámediggeválgga birra

Evttohuvvojit rievdadusat dáid mearrádusaide:

Sámedikki jienastuslohku § 4 (2)

(2) Jienastuslohku ráhkaduvvo daid jagiid go lea sámediggeválgga ja gielddastivrraválgga ja fylkkadiggeválgga. Vuodđun geavahuvvo gieldda álbmotregisttar, mañimus válgga jienastuslohku ja dat ohcamušat čálihuuvot jienastuslohkui dahje sihkkjuuvot jienastuslogus, mat leat bohtán mañimustá válgajagi geassemánu 30.b. Álbmotregisttareiseválddis lea ovddasvástádus fuolahit ahte Sámediggi oázžu daid álbmotregisttardieđuid maid dat dárbbasa jienastuslogu gárvvisteapmái.

Sámedikki jienastuslogu almmolaš geahčadeapmi § 8 (1)

1) Sámeválgastivra galgá fuolahit ahte Sámedikki jienastuslohku lágiduvvo almmolaš dárkkisteapmái jođáneamos lági mielde. Jienastuslogu galgá sáhttit dárkkistit gitta válgabeaivvi olggos dan jagi go lea sámediggeválgga ja dan jagi go lea gielddastivrraválgga ja fylkkadiggeválgga.

Jienasteaddjit guđet dušše sáhttet jienastit ovddalgihtii § 39a

Jienasteaddjit guđet leat logahallojuvvon dakkár gieldda jienastuslohkui, main leat unnit go golbmalogis logahallojuvvon jienastuslohkui, sáhttet dušše jienastit ovddalgihtii, gč. sámelága § 2-3. Mearridan dihte guđemuš gielddaide dat guoská, galgá Sámedikki jienastuslohku geassemánu 30.b. dan jagi go mañimuš lágiduvvui gielddastivrraválgga ja fylkkadiggeválgga adnojuvot vuodđun.

Jietnaaddima áigi ja báiki § 47 (1) ja (2)

(1) Jietnaaddin sámediggeválgii dakkár gielddain main golbmalogis dahje eanebut leat čálihuuvon Sámedikki jienastuslohkui, dollojuvvo seamma báikkis ja seamma áiggi go jietnaaddin stuorradiggeválgii. Sámedikki jienastuslohku geassemánu 30.b. dan jagi go mañimuš lágiduvvui gielddastivrra- ja fylkkadiggeválgga adnojuvvo vuodđun. Diet guokte válgga galget dollojuvot sierralaga.

(2) Dakkár gielddain main leat unnit go golbmalogis jienastuslogus, gč. § 39a, ii leat vejolaš jienastit sámediggeválgii válgabeaivvi.

Girjedoallu. Lávadagaid mearrideapmi § 67 (4)

(4) Odasmahttin,- hálddahus- ja girkodepartemeanta mearrida lávadagaid, maid mielde galgá beavdegirjet hálddahuslaš dilálašvuodaid, jietnaaddimiid ja jienastanlihpuid vuostáiváldima ja gieđahallama, lohkama, válgaloahpparehkenastima ja dárkkisteami.

Mandáhtaid juohkin válgabiirriide § 67 a (1)

(1) Mandáhtat juogaduvvojit St. Laguë heivehuvvon vuogi mielde, gč. sámelága § 2-4. Buot Sámedikki 39 áirasa galget juogaduvvot válgabiirriide. Válgabiirre juogadanlohku mandáhtaid juogadeamis válgabiirriid gaskkas lea daid olbmuid lohku geat leat čálihuuvon válgabiirre jienastuslohkui. Sámedikki jienastuslohku geassemánu 30.b. dan jagi go mañimuš lágiduvvui gielddastivrra- ja fylkkadiggeválgga biddjojuvvo vuodđun.